



ԸՆԴՈՒՆԵԼՈՒԹՅՈՒՆ ՆԵՐ ՄԱՅՐ ԱԹՈՌՈՒՄ

ԳԱՐԵԳԻՆ Բ ՎԵՆԱՓԱՌ ՆԱՅՐԱՊԵՏՆ ԸՆԴՈՒՆԵՅ ՆԵՅԿԻ ԹԱՎԵԹԻԵՒ ԳԼԽԱՎՈՐԱԾ ՊԱՏՎԻՐԱԿՈՒԹՅԱՆԸ

Նուկարի 31-ին Ն.Ս.Օ.Տ.Տ. Գարեգին Բ Կաթողիկոսն ընդունեց Նարավային Կովկասում Եվրամիության հապուկ ներկայացուցիչ, դեսպան Նեյկի Թավեթիեի գլխավորած պատվիրակությանը:

Հանդիպման ընթացքում պրն Թավեթիեն Վեհափառ Հայրապետին ներկայացրեց Եվրամիության գործունեությունը հարավկովկասյան հանրապետություններում և այս երկրների հետ ունեցած ներկայիս հարաբերությունները: Այս առիթով Վեհափառ Հայրապետն իր գնահատանքը հայտնեց հյուրերին՝ Հայաստանում ժողովրդավարության ամրապնդման, ինչպես նաև փարաձաշրջանային խնդիրների խաղաղ կարգավորման գործում Եվրամիության ներդրած ջանքերի համար:

Նորին Սրբությունն անդրադարձավ նաև Հայ Եկեղեցու ներկայիս առաքելությանը, կարևորեց հասարակական կյանքում հոգևոր արժեքների հաստատումը:

Հանդիպմանը ներկա էին Մայր Աթոռ Ս. Էջմիածնի վարչակազմակերպական գործերի կառավարիչ Փառեն եպիսկոպոս Ավետիքյանը, ՀՀ-ում Գերմանիայի Հանրապետության արտակարգ և լիազոր դեսպան Հանս Վուլֆ Բարթելսը:



ՆԱՆԳԻՍՏ

Տ. ԿՅՈՒՐԵՂ ԵՊԻՍԿՈՊՈՍ ԳԱԲԻԿՅԱՆԻ

Մայր Աթոռ Սուրբ Էջմիածինը խորը ցավով տեղեկացնում է, որ 2003 թ. դեկտեմբերի 30-ին, երկարամյա հիվանդությունից հետո, կյանքի 82-րդ տարում, վախճանվել է Երուսաղեմի հայոց Պատրիարքության Սրբոց Նակոբյանց վանքի միաբան Տ. Կյուրեղ եպիսկոպոս Գաբիկյանը:


Երջանկահիշատակ Սրբազանը ծնվել է 1921 թ. Երուսաղեմում: 1956 թ. ձեռնադրվել է կուսակրոն քահանա: 1976 թ. ձեռամբ Ամենայն Հայոց Վազգեն Ա Կաթողիկոսի օծվել է եպիսկոպոս:

Սրբազան Հայրն իր ողջ կյանքի ընթացքում ծառայել է Հայ Եկեղեցուն և Երուսաղեմի հայոց Պատրիարքությանը, մեծ ավանդ ունեցել Տերունական սրբավայրերի վերանորոգման գործում: Մասնավորապես նրա անմիջական ջանքերով է 1980 թ. վերանորոգվել Երուսաղեմի Ս. Նարթեքսի տաճարի հայկական մասը: Սրբազան Հայրը երկար տարիներ եղել է Սրբոց Թարգմանչաց վարժարանի տեսուչը: Նրան ճանաչում էին որպես Երուսաղեմի հնագույն մշակութային արժեքների մեծ գիտակ:

Սրբազան Հոր վերջին օծումը կատարվել է հունվարի 2-ին Երուսաղեմի հայոց Սրբոց Նակոբյանց տաճարում: Հուղարկավորությունը կատարվել է Ս. Փրկիչ վանքի գերեզմանապանդ:

Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը, հանուն Մայր Աթոռ Ս. Էջմիածնի միաբանության, ցավակցություն է հայտնել Երուսաղեմի հայոց Պատրիարք Ամենապատիվ Տ. Թորգոմ արքեպս. Մանուկյանին՝ աղոթելով Սրբազան Հոր հոգու հանգստության համար:

«Ցիշատակն արդարոյն օրհնութեամբ եղիցի»:



ՆԱԶԳԻՍ

Տ. ԶԱՎԵՆ ԱՐՔԵՊԻՍԿՈՊՈՍ ՉԻՆՉԻՆՅԱՆԻ

Մայր Աթոռ Ս. Էջմիածնից խոր ցավով տեղեկացնում ենք, որ հունվարի 20-ին, վաղ առավոտյան, վախճանվել է Մայր Աթոռի ավագագույն միաբաններից՝ Եզիպոսի հայոց թեմի առաջնորդ Գերաշնորհ Տ. Զավեն արքեպիսկոպոս Չինչինյանը:

Մայր Աթոռում մշտապես բարձր է գնահատվել Սրբազան Հոր ծառայասիրությունը, ազնվությունն ու անկեղծությունը և Ս. Էջմիածնի հանդեպ անսակարկ հավաքարմությունը: Այդ գնահատանքի վկայությունն է Ն.Ս.Օ.Տ.Տ Գարեգին Բ Ամենայն Հայոց Կաթողիկոսի կողմից Զավեն Սրբազանին շնորհված Հայ Եկեղեցու «Ս. Ներսես Շնորհալի» շքանշանը:

Ամենայն Հայոց Հայրապետը, Մայր Աթոռ Ս. Էջմիածնի միաբանությունը, պաշտոնեությունը և հավաքացելոց դասը խորապես սգում է Սրբազան Հոր անժամանակ մահը և աղոթում հանգուցյալ Սրբազանի հոգու հանգստության համար:

Սրբազան Հոր թաղման և հուղարկավորության արարողությունը տեղի ունեցավ հունվարի 25-ին Կահիրեի Ս. Գրիգոր Լուսավորիչ առաջնորդանիստ եկեղեցում: Մայր Աթոռ Ս. Էջմիածնից արարողություններին մասնակցեցին Ռումինիայի հայոց թեմի առաջնորդ Տ. Տիրայր արքեպիսկոպոս Մարտիրոսյանը, Տ. Ներսես արքեպիսկոպոս Պոզապալյանը և Կենտրոնական Եվրոպայի Հայրապետական պապվիրակ Տ. Մեսրոպ արքեպիսկոպոս Գրիգորյանը:

Հունվար 25-ին Մայր Աթոռ Ս. Էջմիածնում, հավարտ Ս. Պարարագի, աղոթք վերանայելից Սրբազան Հոր հոգու հանգստության համար:

«Յիշարական արդարոյն օրհնութեամբ եղիցի»:

*

* *

Զավեն արքեպիսկոպոս Չինչինյանը (ավագանի անունով՝ Գևորգ) ծնվել է 1929 թ. սեպտեմբերի 29-ին Հալեպում (Սիրիա): Նախնական կրթությունը ստացել է Երուսաղեմի Սրբոց Թարգմանչաց ազգային վարժարանում: 1945 թ. ընդունվել է Երուսաղեմի Սրբոց Հակոբյանց վանքի Ժառանգավորաց վարժարան:

1949 թ. ձեռնադրվել է սարկավագ:

1951 թ. մայիսին ձեռնադրվել և օծվել է կուսակրոն քահանա՝ սրանալով Զավեն անունը:

1951 թ. դասավանդել է Սրբոց Թարգմանչաց վարժարանում միաժամանակ վարելով վանքի քառարանի քննչի պաշտոնը:

1954 թ. ստացել է վարդապետական աստիճան:

1957 թ. ստացել է ծաղկյա փիլոն և լանջախաչ կրելու իրավունք:

1963 թ. Ալեքսանդրիայում (Եգիպտոս) Ն.Ս.Օ.Տ.Տ. Վազգեն Ա Ամենայն Հայոց Կաթողիկոսի կողմից Սրբազան Հորը շնորհվել է Ծայրագույն վարդապետության աստիճան:

1965 թ. Ն.Ս.Օ.Տ.Տ. Վազգեն Ա Ամենայն Հայոց Կաթողիկոսի ձեռամբ օծվել է եպիսկոպոս Մայր Աթոռ Ս. Էջմիածնում:

1953-1957 թթ. եղել է «Սիոն» ամսագրի խմբագրի օգնական:

1958 թ. փոխադրվել է Ալեքսանդրիա՝ իբրև առաջնորդական փոխանորդ:

1969 թ. ընտրվել է Եգիպտոսի հայոց թեմի առաջնորդական տեղապահ:

1974 թ. ծառայության է մեկնել Հարավային Ամերիկայի թեմեր, ապա սպասավորել Նյուսիսային Ամերիկայի Արևելյան թեմում:

1977 թ. ընդառաջելով եգիպտահայության փափագին՝ երջանկափառ վազգեն Ա Ամենայն Հայոց Կաթողիկոսը Հայրապետական Սրբաբառ կոնդակով Զավեն Սրբազանին նշանակում է Եգիպտոսի հայոց թեմակալ առաջնորդ:

Ի գնահատումն նվիրյալ ծառայության՝ Ամենայն Հայոց Կաթողիկոսի Հայրապետական տնօրինությամբ արժանացել է նաև արքության փառաբանության:

Վազգեն Ա Ամենայն Հայոց Կաթողիկոսի գահակալության շրջանից սկսյալ՝ Զավեն Սրբազանը նաև Գերագույն Հոգևոր Խորհրդի անդամ էր:

Սրբազանը առաջնորդության շրջանում փարիներ շարունակ եղել է Ալեքսանդրիայի քրիստոնեական Եկեղեցիների Էկումենիկ աղոթաժողովների նախագահ:

Նվիրյալ հոգևորական Զավեն Սրբազանին Գարեգին Բ Ամենայն Հայոց Կաթողիկոսը շնորհել է Հայ Եկեղեցու «Ս. Ներսես Շնորհալի» շքանշան: 1984 թ. արժանացել է նաև Ռուս Ուղղափառ Եկեղեցու Ս. Սերգեյ Ռոդոնեմսկու Ա կարգի շքանշանի:

Զավեն Սրբազանը բազում հոգվածների, ուսումնասիրությունների և բանաստեղծությունների հեղինակ է: